

6. Weil es auch glaublich/daß der Comet schon etliche Tage zuvor erschienen/ ehe dann er von Leuten gewahr worden: So sey es wol glaublich/ daß er zum ersten erschienen/ da die Sonne im ersten grad des Scorpi ons gewesen: so folget es scilicet, daß auch damals der Comet eben so viel grad (als zwischen dem 1. vnd 8. grad Scorpii sind) gelauffen habe.

7. Vnd weil er vom 19. Novembris immer nachm Polo werts recta scilicet auffgestiegen/ hernacher auch gar retrogradus worden: so folget endlich/ daß er das dodecatemorion Scorpii nie berührt.

Siehe/ lieber Leser/ wie wunderbahre Grillen hat Köppen auff das hören sagen/ vnd auff die observation am 19. Novembris gebawet. Auff daß du aber diese Wunder desto klärlicher sehest/ So höre nun/ was andere Authores, von dieses Cometen erster erscheinung/ vnd anfänglichem Dodecatemorio, schreiben. Ich will aber die Ordnung der Autoren, so viel ich ders gelesen/ halten/ wie sie nach einander außgegangen.

Dalsenius zu Kostock hat ihn nicht ehe gesehen/als den 20. Novembris Alten Calenders.

Habnacht zu Straßburg hat ihn den 2. Novembris Alten Calenders aller erst observiert.

Rhodius vnd Schmidius zu Wittenberg den 21. Novembris.

Origanus zu Franckfurt den 20. Novembris.

Fienus vnd Tromondus zu Löwen in Brabandt schreiben/ daß er den 29. vnd 30. Novembris Newes Calenders (das ist den 19. vnd 29. Altis) allda erstlich sey vernommen worden.

Herlicium solte ich auch allhie allegieren, aber der gilt dem Körper ditzmal nicht.

Mollerus zu Leipzig hat ihn den 26. Novembris Altis Cal. erstlich gesehen.

Hresbach zu Cöllen an S. Andrea tage des Newen Calend. das ist den 20. Altis.

Vrsinus